



Հաստատում եմ՝

Ավանդական բժշկության համալսարանի
ռեկտոր, ՊԲՄՆ Լախագահ

Ն. Խ. Սարիբեկյան

Գիտական մասի վարիչ՝  Վ.Ս. Գրիգորյան

« 22 » 04 2022թ.

ԿԱՆՈՆԱԴՐՈՒԹՅՈՒՆ

ԱՎԱՆՊԱԿԱՆ ԲԺՇԿՈՒԹՅԱՆ ՀԱՄԱԼՍԱՐԱՆԻ ՈՒՍԱՆՈՂԱԿԱՆ ԳԻՏԱԿԱՆ ԸՆԿԵՐՈՒԹՅԱՆ

I. Ընդհանուր դրույթներ

- 1.1 ԱԲՀ Ուսանողական Գիտական Ընկերությունը (այսուհետ՝ ՈՒԳԸ կամ Ընկերություն) ԱԲՀ ուսանողներին միավորող համալսարանական ստորաբաժանում է, որի նպատակն է նպաստել ուսանողության գիտական, ստեղծագործական և հոգևոր զարգացմանը:
- 1.2 Ընկերությունը գործում է ԱԲՀ Կանոնադրության և սույն կանոնադրության հիման վրա:
- 1.3 Ընկերության կանոնադրությունը և դրա մեջ կատարվող փոփոխությունները հաստատվում են ԱԲՀ Գիտական խորհրդի կողմից՝ ուսանողական բաժնի ներկայացմամբ:
- 1.4 Ընկերությունը, սահմանված կարգով, կարող է ունենալ, անկյունային դրոշմ, տարբերանշան, պաշտոնաթուղթ:
- 1.5 Ընկերությունն իր հարաբերությունները ԱԲՀ ղեկավար մարմինների հետ կարգավորում է ԱԲՀ կանոնադրությամբ, սույն կանոնադրությամբ և ԱԲՀ Գիտական խորհրդի համապատասխան որոշումներով:
- 1.6 Ընկերությունն իր նպատակների և խնդիրների լուծման, երկարաժամկետ ծրագրերի իրականացման համար համագործակցում է ԱԲՀ գիտական մասի, Ուսանողական խորհրդի, ամբիոնների և այլ ստորաբաժանումների հետ:
- 1.7 Ընկերության անվանումն է. հայերեն՝ Ավանդական բժշկության համալսարանի Ուսանողական Գիտական Ընկերություն, ռուսերեն՝ Студенческое Научное Общество Университета Традиционной Медицины, անգլերեն՝ Student Scientific Society of the University of Traditional Medicine of Armenia: Իսկ կրճատ անվանումները. հայերեն՝ ԱԲՀ ՈւԳԸ, ռուսերեն՝ СНО УТМ, անգլերեն՝ SSS UTM: Ընկերության հասցեն՝ ք.Երևան, Ավան, Բաբաջանյան 38:

II. Ընկերության նպատակն ու խնդիրները

- 2.1 Ընկերության նպատակն է նպաստել ուսանողության գիտական, ստեղծագործական և հոգևոր զարգացմանը:

2.2 Ընկերության խնդիրներն ու գործունեության հիմնական ուղղություններն են.

- գիտական և կրթական ոլորտներում ուսանողության նախաձեռնությունների սատարում և իրականացում,
- ուսանողական գիտաժողովների, կոնֆերանսների, սեմինարների, գիտահանրամատչելի դասախոսությունների և այլ գիտական և կրթական ուղղվածություն ունեցող միջոցառումների կազմակերպում՝ դրանցում ընդգրկելով նաև արտահամալսարանական գիտական ներուժը,
- համալսարանական երիտասարդական գիտական ներուժի նպատակաուղղված օգտագործում և դրա մասին ինֆորմացիայի համակարգում,
- համակողմանի աջակցության ապահովում շնորհաշատ ուսանողներին,
- գիտական խմբերում և տարբեր գիտական ծրագրերում ուսանողների ընդգրկում,
- ուսանողների գիտական աշխատանքների և այլ նյութերի հրատարակում,
- այլ գիտական կենտրոնների հետ կապի հաստատում և տեղեկատվության փոխանակում
- գիտական մասի վարիչի վերահսկողությամբ և ուղղորդմամբ՝ մասնակցություն դրամաշնորհային ծրագրերի դիմելու գործընթացին

III. Ընկերության կառուցվածքը և ղեկավար մարմինը

3.1 ԱԲՀ Ուսանողական Գիտական ընկերության ղեկավար մարմինը Ուսանողական Գիտական ընկերության Խորհուրդն է, որի նիստը գումարվում է ուսումնական կիսամյակում ոչ պակաս քան երկու անգամ:

3.2 ՈւԳԸ-ի խորհրդի կազմի մեջ մտնում են ՈւԳԸ նախագահը, նախագահի տեղակալը, քարտուղարը:

3.3 ՈւԳԸ խորհուրդը՝

- քննարկում և որոշում է ՈւԳԸ-ի գործունեության կարևորագույն ուղղությունները, միջոցներ է ձեռնարկում որոշումների իրականացման համար,
- առաջարկություններ է ներկայացնում ԱԲՀ Գիտական խորհրդին,
- ի գիտություն է ընդունում ՈւԳԸ նախագահի տարեկան հաշվետվությունը,
- մշակում է ընկերության ընթացիկ և հեռանկարային ծրագրերը,
- հաստատում է իր աշխատակարգը,
- ստեղծում, վերակազմավորում և լուծում է սույն կանոնադրությամբ չսահմանված ՈւԳԸ աշխատանքային օղակները, ինչպես նաև հաստատում է նրանց կազմը և աշխատակարգը, ընդ որում նրանց կարող է լիազորել իր իրավասությանը վերաբերվող որոշ հարցերի լուծման իրավունք,
- որոշում է ընդունում շնորհել ընկերության պատվավոր անդամի կոչում և կանոնակարգում է ընկերության անդամությանը վերաբերվող այլ հարցեր,
- վավերացնում է ընկերության անունից կնքած պայմանագրերն ու համաձայնագրերը,

- 3.4 ԱԲՀ ՈւԳԸ-ի աշխատանքները վերահսկվում է ԱԲՀ Գիտական մասի վարիչի կողմից: Ընկերությունն իր աշխատանքները կազմակերպում է համալսարանի Գիտական մասի վարիչի մասնակցությամբ և ղեկավարությամբ:
- 3.5 ԱԲՀ ՈւԳԸ խորհրդի նիստը օրինական է, եթե նրան մասնակցում են անդամների ընդհանուր թվի ավելի քան 1/2-ը: Որոշումներն ընդունվում են ընդհանուր թվի պարզ մեծամասնությամբ: Խորհրդի արտահերթ նիստ կարող է հրավիրվել ՈւԳԸ նախագահի, գիտական խորհրդի անդամների 1/3-ի պահանջով:

IV. ՈւԳԸ խորհրդի անդամները

- 4.1 Ուսանողական Գիտական ընկերության նախագահը հաստատվում է ԱԲՀ Գիտական խորհրդի կողմից, երեք տարի ժամանակով՝ ԱԲՀ ռեկտորի ներկայացմամբ,
- 4.2 ՈւԳԸ նախագահն ի պաշտոնե հանդիսանում է ԱԲՀ Գիտական խորհրդի անդամ,
- 4.3 Ընկերության նախագահն ի պաշտոնե ներկայացնում է ընկերությունը, համակարգում է ընկերության խորհրդի գործունեությունը, ապահովում է ընկերության կառուցվածքային միավորների համագործակցությունը, տալիս է լիազորագրեր, ընկերության անունից կնքում է պայմանագրեր և համաձայնագրեր:
- 4.4 ՈւԳԸ նախագահը տարեկան հաշվետվությամբ հանդես է գալիս ԱԲՀ Գիտական խորհրդում:
- 4.5 Ընկերության նախագահի տեղակալը նախագահի բացակայության դեպքում ստանձնում է նրա լիազորությունները, համակարգում է քարտուղարության աշխատանքները և ՈւԳԸ խորհրդի կողմից ստեղծված աշխատանքային օղակների գործունեությունը, հանդես է գալիս կատարած աշխատանքների մասին հաղորդմամբ:
- 4.6 Ընկերության քարտուղարը ղեկավարում է քարտուղարության աշխատանքները՝ առաջնորդվելով ՈւԳԸ խորհրդի աշխատակարգով:

V. Ընկերության միջոցները, ռեսուրսները և դրանց օգտագործման կարգը

- 5.1 Ընկերության միջոցները գոյանում են ԱԲՀ բյուջեից կատարվող մասհանումներից, հովանավորների կողմից կատարվող հասկացումներից և ՀՀ օրենսդրությամբ չարգելված այլ աղբյուրներից:
- 5.2 Ընկերությունն անվճար, համաձայն սահմանված կարգի, օգտվում է ԱԲՀ տարածքային, գույքային, տեխնիկական և այլ միջոցներից:
- 5.3 Ընկերության միջոցներն օգտագործվում են կանոնադրական նպատակների և խնդիրների իրականացման համար:
- 5.4. Մարդկային ռեսուրսների ներգրավվում: Ուսանողության շրջանում հաղորդակցման բարելավման, ինչպես նաև աշխատանքների առավել արդյունավետ իրականացման

նպատակով՝ ուսանողական գիտական ընկերությունն իրավունք ունի իր աշխատանքներում ներգրավել նաև օգնական-ծրագրավարների (facilitator): Օգնական-ծրագրավարներն ընտրվում են ուսանողության շրջանից՝ կամավորական սկզբունքով, հաշվի առնելով տվյալ ուսանողի գիտական, մասնագիտական և կազմակերպչական հմտությունները: Օգնական-ծրագրավարներ նշանակվում են բոլոր խմբերից, առավելագույնը՝ 2 հոգի յուրաքանչյուր խմբից. նրանց թեկնածությունն առաջարկվում է ՈՒԳԸ նախագահի կամ գիտական մասի վարիչի կողմից, հաստատվում է գիտական մասի վարիչի կողմից: Օգնական-ծրագրավարի պատասխանատվությունները ներառում են՝ ՈՒԳԸ նախագահի համակարգման ներքո մասնակցություն գիտական մասի և ՈՒԳԸ-ի կողմից իրականացվող ծրագրերին, ուսանողության շրջանում դրանց լուսաբանում, ՈՒԳԸ ծրագրերի շրջանակներում կազմակերպչական գործունեության իրականացում, գիտական և գիտապրակտիկ ծրագրերին և միջոցառումներին ուսանողների ներգրավվածության խթանում, օժանդակում ՈՒԳԸ աշխատանքներին: Օգնական-ծրագրավարը չի համարվում ՈՒԳԸ անդամ, սակայն աշխատանքների հաջող իրականացման դեպքում կարող է դիտարկվել ապագայում այդպիսին դառնալու հավանականությունը: Առանձին դեպքերում՝ սահմանված կարգով, օգնական-ծրագրավարի լիազորությունների շրջանակներում կատարված գիտական աշխատանքը կարող է համարվել ուսանողական ինքնուրույն աշխատանք և հաշվի առնվել գնահատման վարկանիշային համակարգի կոնտեքստում:

VI. Ընկերության գործունեության դադարեցման կարգը

- 6.1 Ընկերությունն իր գործունեությունը դադարեցնում է ԱԲՀ Գիտական խորհրդի որոշմամբ կամ ՀՀ օրենսդրությամբ սահմանված կարգով:
- 6.2 Ընկերության լուծարումից հետո նրա ամբողջ գույքը և միջոցները պատկանում են Ավանդական Բժշկության Համալսարանին: